

## Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et  
Ivstvs, In Mvndo Administrando, Sit Devs, Monstrantibvs**

**Stengel, Georg**

**Ingolstadij, 1647**

§. 2. Idem à sacris litteris docetur.

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

nunc Latinè, nunc Græcè, nunc Hebraicè,  
 nunc alijs idiomatis conuicia iacentes.  
 Quis morbus est, qui futura, aut absentia  
 mortalibus patefaciat? Ex energumenis  
 autem talia intelliguntur, vti & occulta  
 astantium peccata non raro propalam re-  
 uelantur. Denique quis morbus tantas  
 ægrotō dat vires, vt eum catenis astrictum  
 vix quatuor validis lacertis viri possint co-  
 hibere; aut etiam vt è templi paumento,  
 per aërem, usque ad fornicem summum  
 tholūmū se se queat extollere? Ægrotat  
 profectò mente, quisquis hos effectus mor-  
 bis naturalibus ascribit. Posteriores au-  
 tem, qui animabus defunctorum hæc at-  
 tribuunt; eodem arguento confutantur,  
 quis enim illis hanc futura cognoscendi  
 vim tribuit? quis linguas docet? Et verò  
 vel animas separatas fateri, est concedere  
 spiritus, qui si ad corpora pertinentes, sine  
 corpore existere possunt, quanto magis  
 existere poterunt, sine corpore, Spiritus ad  
 corpora non pertinentes? Plura contra  
 Matthzi. hos cumulat Tostatus argumenta.

Tostatus  
Abulensi.  
q. 124. in  
cap. 8.

§. II.  
*Idem è sacris litteris docetur.*  
 Sed contra utrosq; experientia quoque,  
 &

& scriptura perorat. Experientia quidem, quia non solum tot antiquæ & recentes extant historiæ, sed etiam oculi mille testantur, se talia vidisse, qualia neq; moribus ullus, neq; vlla defuncti anima posset facere, dum adiurantur, exorcizantur & datis manifestissimis signis ejiciuntur nigri isti hospites. Clarissima etiam de hac re est scriptura, immò ipsius Christi sententia, & facta. Quot enim ipse dæmones, diuersis locis & modis, exturbauit? Eiusdem sententiæ fuerunt illi, qui obtulerunt ei multos dæmonia habentes, & ejiciebat spiritus verbo. Omnia in Euangelistis sunt plena. Frustra etiam Dominus Apostolis dedisset potestatem in dæmones exterminandos ab hominibus, si nulli dæmones eos possiderent. Frustra Euangelium fidemq; hoc signo confirmasset. Frustra etiam regulam expellendorum quorundam dæmonū illis tradidisset. Atqui dedit eis eam potestatē: Et dedit illis potestatem curandi infirmitates, & ejendi dæmonia. Icē voluit fidem hoc signo confirmari: Signa autem eos, qui crediderint, hæc sequentur: in nomine meo dæmonia ejicient. Sed & regulam hanc dictauit: Hoc genus dæmoniorum non ejicitur, nisi per Matth. 8.  
16. 28.  
Matth. 4.  
24.  
Matth. 9.  
32.  
Math. 12.  
22.  
Marc. 3.  
15.  
Marc. 16.  
17.  
Matth. 17.

orationem & ieunium. Vsurparunt hanc potestatem & regulam Apostoli, & omnes ferè Sancti prodigiorum patratores. Quin & blasphemi illi Iudæorum principes, dum per summam contumeliam Christo dixerunt:

**Ioan. 8.**

48.

**Luc. 11.**

25.

*dæmonium habes ; itemque : Quid ipsum auditis ? dæmonium habet ; ac rursus : In principe dæmoniorum eicit demonia ; opinati sunt vtique aliquos à dæmonijs inhabitari. Faceant igitur illi atheizantes, qui , ne cogantur fateri, esse aliquos Spiritus , quod arreptitij perspicuè commonstrant , negant energumenos esse dæmonū domicilia , & incredibilia opera atque effecta morbis naturalibus ascribunt , nempe quales medici , tales Christiani , hellenboro curandi. Itaque non frustra in Sacerdotali Romano posuit Ecclesia formulam exorcismi , qui non est aliud, quàm oratio & adiuratio ab Ecclesia approbata , qua nomine Christi imperamus dæmoni , ut ab homine recedat. De quo S. Cyprianus agens Demetrianum Christianorum hostē sic compellat : O si audire eos (dæmones) velles & videre , quando à nobis adiurantur , & torquentur spiritualibus flagris , & verborum tormentis de obsessis corporibus eiciuntur .*

**S. Cypr.  
ad Deme-  
terianum.**

tur, quando eiulantes, & gementes voce hu-  
mana & potestate diuina flagella & verbera  
ſentientes venturum iudicium conſitentur.

## §. III.

Quid sit, à dæmone inferrum esse?

Vt autem homo à dæmone inferrus di-  
catur, necesse est quidem, sed non sufficit,  
vt in eo insit tanquam motor illius, sed in-  
ſuper requiritur, vt in eum habeat quandā  
potestatem. Neutrum ſine altero ſufficit.  
Accepit in Job potestatem satan, vti in  
S. Antonium, in S. Franciscum Xauerium  
verberandū, non tamen iſti obfelli dicun-  
tur, quia in illis non fuit Satan. In mul-  
tis rebus eſt Satan, qui & post acceptam  
*buccellam* in Iudam introiuit, non tamen  
tunc obfessus eſt Iudas, quia non habuit in  
eum agenti potestatem. Dicitur igitur in  
eum intrasse, quia Christi vendendi ſug-  
gelliſt consilium; teste Didymo. Quod ex Dydimus  
Ioanne conſtat ſic accipiendo, ait enim:  
*Cum diabolus iam mififfet in cor, ut traderet* 1.3. de Spi-  
*an Iudas.* vbi inſinuat̄, aliquando, idem  
eſſe *introire & mittere in cor.* Pertinet er-  
go ad infeſſionem etiam potestas mouendi  
ac ſauendi in poſſeſſum; quam ſanè po-  
teſtatem, dum exerit, non raro monſtra ex  
E e 4 homi-

Job. 1.

Ioan. 13.

27.

Dydimus  
1.3. de Spi-  
rit. S. Ios  
an. 13. 2.